



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

Cl. Tredecim Decreta de Officiis Sanctorum pro Congr. Reform. Cistercien.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Damnatio, & prohibitio libri cum mandato illum tradendi Ordinariis, vel Inquisitoribus.

prio, & ex certa scientia, & matura deliberatione nostris, deque Apostolica potestatis plenitudine supradictum librum ubicumque, & quocumque alio idiomate, seu quavis editione, aut versione hucusque impressum, aut in posterum (quod absit) imprimendum tenore presentium damnamus, & reprobamus, ac legi, seu retineri prohibemus, ipsiusque libri impressionem, descriptionem, lectionem, retentionem, nec non omnibus, & singulis Christifidelibus, etiam specifica, & individua mentione, & expressione dignis sub poena excommunicationis per contrafacientes, ipso facto absque alia declaratione incurrenda, a qua nemo a quoquam praterquam a Nobis, seu Romano Pontifice pro tempore existente, nisi in mortis articulo constitutus, absolutionis beneficium valeat obtinere omnino interdiciamus. Volentes, & auctoritate Apostolica mandantes, ut quicumque libram hujusmodi penes se habuerint, vel in futurum quodcumque habebunt, illum statim atque presentes literas eis innotuerint locorum ordinariis, vel hereticis pravitatis inquisitoribus tradere, atque consignare teneantur, hi vero exemplaria sibi sic tradita illico flammis aboleri curent, in contrarium facientibus non obstantibus quibuscumque.

Clausula.

§. 1. Ut autem eadem presentes literas omnibus facilius innotescant, nec quisquam illarum ignorantiæ allegare possit, volumus, & auctoritate prædicta decernimus, illas ad valvas Basilicæ Principis Apostolorum, ac Cancellariæ Apostolicæ nec non Curie generalis in Monte Citorio, & in acie Campi Floræ de Urbe per aliquem ex Curforibus nostris, ut moris est publicari, illarumque exempla ibidem affixa relinqui, itaut sic publicatæ omnes, & singulos, quos concernunt, perinde afficiant, ac si unicuique illorum personaliter notificatæ, & intimatæ fuissent: ipsarum autem literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eandem prorsus fidem tam in Judicio, quam extra illud ubique locorum haberi, quæ haberetur ipsis presentibus, si forent exhibitæ, vel ostensæ.

Datum in Arce Guandalphi Albanen. Diocesis sub Annulo Piscat. die VI. Junii MDCCX. Pontificatus nostri Anno Decimo.

C.

Conceditur Fratribus Carmelitis Excalc. Congregationis Italiæ facultas fundandi Hospitium in Civitate Ulyxiponen.

Interdictum fuit Carmelitibus Excalc. Congreg. Hispaniæ edificare Cœnobium in Oppido de Bilbao a Clem. X. Const. ed. 1673., Maji 6., P. 3. Et Bened. XIII. Const. ed. 1726., Feb. 9. P. 2. confirmatur privilegium erigendi novas Domus cum sola licentia Ordinarii.

Dat. 28. Aug. 1710. An. 10.

CLEMENS PAPA XI.

Ad futuram rei memoriam.

Preces Congregationis, & causæ erigendi d. Hospitium.

Exponi Nobis nuper fecerunt dilecti filii Fratres Excalceati nuncupati Congregationis Italiæ Ordinis B. M. V. de Monte Carmelo, quod ipsi Hospitium in Civitate Ulyxiponen, tam pro eorum Conventus Goan., ac Residentiæ Oppidi, seu loci de Diu, quam Sacrarum Missionum illarum partium ipsorum curæ, & directioni Commissarum mantentione fundare, & erigere intendunt, si nostra, & hujus S. Sedis sibi super hoc licentia suffragetur, & facultas. Nobis propterea humiliter supplicari fecerunt, ut sibi in præmissis opportune providere, & ut infra indulgere de benignitate Apostolica dignaremur.

§. 1. Nos igitur dictos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis Sententiis, Censuris, & penis a jure, vel ab homine quavis occasione, vel causa latis, si quibus quomodolibet innodatæ existunt ad effectum presentium dumtaxat consequendum harum serie absolventes, & absolutas fore censentes, hujusmodi supplicationibus inclinati de Venerabilium Fratrum nostrorum S. R. E. Cardinalium negotiis Propagandæ Fidei præpositorum consilio, eisdem exponentibus Hospitium prædictum in Civitate Ulyxiponen. ad præmissorum effectum auctoritate nostra Apostolica fundandi, & instituendi facultatem, & licentiam, eadem auctoritate tenore presentium concedimus, & impartimur; salva tamen semper in præmissis auctoritate Congregationis eorundem Cardinalium.

Concessio præd. facultatis.

§. 2. Non obstantibus Constitutionibus, & Ordinationibus Apostolicis necnon quatenus opus sit Congregationis, & Ordinis præfatorum, aliisque quibusvis, etiam Juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indulgiis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores presentibus pro plene, & sufficienter expressis, ac ad verbum insertis habentes illis alias in suo robore permanentis ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Clausula.

Datum Romæ apud S. Mariam Majorem sub Annulo Pisc. die XXVIII. Augusti MDCCX. Pontificatus nostri Anno Decimo.

Confirmantur tredecim Decreta Congregationis Rituum, quibus Congregationi Reformatæ Monachorum Cisterciens. conceditur facultas recitandi Officia complurium Sanctorum quibusdam ritibus, & modis.

CI.

Const. ed. 1705, Dec. 23. P. 6. confirmatus fuit cultus BB. Teresie, & Sancia Monial. Ord. Cisterciens. & Bened. XIII. conceditur Indulg. Plenar. in Festo S. Stephani III. Abbatis Const. ed. 1724. Jul. 4. Pont. 1.

CLEMENS PAPA XI.

Ad futuram rei memoriam.

Alias a Congregatione Venerabilium Fratrum nostrorum S. R. E. Cardinalium Sac. Ritibus præpositorum ad supplicationem tam dilecti Filii nostri Joannis Mariæ S. R. Ecclesiæ Cardinalis Gabriellii nuncupati, qui in minoribus constitutus professionem Regularem in Congregatione reformatæ Monachorum S. Bernardi Ordinis Cisterciens. emisit, quam nonnullorum tunc existentium Superiorum dictæ Congregationis Reformatæ emanarunt tredecim Decreta, tenorum, qui sequuntur, videlicet -

Dat. 25. Sept. 1710. An. 10.

Referuntur præd. Decreta edita precibus Card. Gabrielii, & Superiorum d. Congregationis.

§. 1. Congregatio S. Bernardi Ordinis Cisterciens. Sacra Rituum Congregatio referente Eminentiss. & Reverendiss. Domino Cardinale Gabriellio, ad humillimas preces P. D. Joannis Francisci Rotæ Vicarii Generalis Congregationis S. Bernardi Ordinis Cisterciens. benigne indulget Monachis Congregationis prædictæ S. Bernardi utriusque sexus, ut licite elevare possint officia Sanctorum Roberti Abbatis in Anglia, Lugardis Virginis, Hedwigis Reginae Poloniæ, & Thomæ Episcopi Cantuariensis, & Martyris a

Primum Decretum de celebratione festorum sub ritu duplici. & 2. classis.

Ritu semiduplici ad duplicem, & officium S. Roberti Abbatis Institutoris Ordinis Cisterciensis a Ritu duplici ad duplicem secundæ Classis, necnon, ut libere, ac licite possint celebrare sub Ritu duplici nonnulla festa Sanctorum ejusdem Instituti cum officiis, ut infra indicantur. Die 2. Martii S. Aelredi Abbatis Rievallis. Die 5. Martii S. Petri de Castro novo Martyris cum lectionibus desumptis ex literis ab Innocentio PP. III. scriptis super ejus Martyrio. Die 13. Martii S. Heldradi Abbatis Novaliciensis. Die 1. Aprilis S. Hugonis Abbatis Bonevallis. Die 18. Junii S. Elisabeth a Schonangia Virg. Die 17. Septembris Sanctæ Hildegardis Virginis. Die 8. Octobris S. Martini Abbatis Vallis Paradisi. Die 13. Augusti 1701.

Congregationis Reformatæ S. Bernardi Ordinis Cisterciensis.

Secundum Decretum.

Sacra Rituum Congregatio referente Eminentiss., & Reverendissimo Domino Cardinale Gabriellio, ad humillimas preces P. D. Francisci a S. Benedicto Visitatoris Provincialis Provinciæ Romanæ Congregationis S. Bernardi Ordinis Cisterciensis benigne indulget Monachis utriusque sexus Congregationis S. Bernardi prædicti Ordinis, ut infra octavam Festivitatis Sanctæ Scholasticæ Virginis recitare possint lectiones proprias approbatas pro Officio ejusdem S. Scholasticæ recitando singulis mensibus, & ut die 28. Novembris recitari possint sub ritu duplici officium S. Columbani Abbatis cum lectionibus approbatis pro Congregatione Cassinensi. Item benigne concessit, ut libere, & licite possint celebrare sub ritu duplici nonnulla festa Sanctorum Ordinis Cisterciensis cum Lectionibus, ut infra indicantur. Die 14. Januarii S. Guarini Episcopi Sedunensis, & Confessoris. Die 26. Januarii S. Alberici Abbatis Cistercii. Die 27. Aprilis S. Franchæ Virginis. Die 15. Julii S. Balduini Abbatis Reatini. Die 8. Augusti S. Famiani Confessoris. Die 4. Decembris S. Galgani Confessoris. Die 3. Decembris 1701.

Congregationis Sancti Bernardi Ordinis Cisterciensis.

Tertium Decretum.

Cum Sacra Rituum Congregatio referente Eminentiss., & Reverendiss. D. Cardinale Gabriellio sub diebus 13. Augusti, & 3. Decembris 1701. Monachis utriusque sexus Congregationis S. Bernardi Ordinis Cisterciensium, festa, & officia nonnullorum Sanctorum posse celebrari, & recitari benigne concesserit; Ad humillimas modo preces P. D. Joan. Francisci Rotæ Vicarii Generalis Congregationis prædictæ eisdem ut supra indulget posse recitari sub ritu duplici officia S. Amadei Episcopi Lausanensis, & Confessoris die 28. Januar., & S. Raymundi Abbatis de Fitero die 15. Martii, atque etiam omnes supradictas Orationes, & Lectiones proprias in festis, ac officiis Sanctorum ejusdem Instituti recitandas diligenter revisas per eundem Eminentiss., & Rmum D. Card. Gabriellium approbavit, & imprimi posse concessit die 21. Januar., 1702.

Congregationis Reformatæ S. Bernardi Ordinis Cisterciensis.

Quartum Decretum.

Sac. Rituum Congregatio referente Eminentiss., & Reverendiss. D. Cardinale Gabriellio ad humillimas preces P. D. Joannis Francisci Rotæ Vicarii Generalis Congregationis Reformatæ S. Bernardi Ordinis Cisterciensis benigne indulget Monachis utriusque sexus Congregationis Reformatæ Sancti Bernardi prædicti Ordinis, in feria tertia post Dominicam Passionis celebrare possint festum SS. Coronæ Domini Nostri Jesu Christi, & recitare sub ritu duplici majori Missam, &

Facultas celebrandi festum SS. Coronæ Domini Nostri

Officium proprium supradictum per eundem Eminentissimum D. Cardinalem Gabriellium diligenter revisum, & utrumque imprimi posse concessit. Die 18. Martii 1702.

Congregationis Sancti Bernardi Ordinis Cisterciensis.

Sac. Rituum Congregatio, referente Eminentiss., & Reverendiss. D. Card. Gabriellio ad humillimas preces P. D. Henrici a S. Philippo Nerio Visitatoris Provincialis Provinciæ Romanæ Congregationis S. Bernardi Ordinis Cisterciensis benigne indulget Monachis utriusque sexus Congregationis prædicti Ordinis, ut licite possint celebrare festa, & recitare sub ritu duplici majori officia, & Missas harum festivitatum B. M. Virginis videlicet Desponsationis cum S. Josepho die 20. Februarii, Septem dolorum feria sexta post Dominicam Passionis, de Monte Carmelo die 16. Julii, Sanctiss. Rosarii die 3. Octobris, Patrocinii die 10. Novembris, & Expectationis die 18. Decembris, necnon, ut libere, ac licite possint celebrare festa, & recitare sub ritu duplici officia, & Missas aliquorum Sanctorum ejusdem Instituti, ut infra indicantur. Die 30. Januar. S. Gerardi Confessoris. Die 19. Februarii S. Bonifacii Episcopi, & Confessoris. Die 8. Martii S. Gerardi Abbatis, & Martyris. Die 11. Martii S. Stephani Abbatis. Die 5. Aprilis S. Julianæ Virginis. Die 15. Aprilis Beata Idæ Virginis. Die 1. Junii SS. Martyrum Bernardi Mariæ, & Gratia. Die 15. Junii S. Aleydis Virginis. Die 8. Julii S. Theobaldi Abbatis. Die 13. Octobris S. Mauricii Abbatis. Die 24. Octobris S. Bernardi Episcopi, & Confessoris. Die 30. Octobris Sanctorum Martyrum, & aliorum Sanctorum quorum corpora, & reliquie in Ecclesiis ejusdem Congregationis aservantur, & sub ritu duplici majori. Die 14. Novembris translationis Corporis S. Bernardi Abbatis Claravallensis, atque die 27. Novembris omnium Sanctorum Monachorum Ordinis Cisterciensis. Item omnes suprascriptas orationes, Hymnos *xx. RR.* Cap. Antiphonas, & Lectiones proprias in Festis, Officiis, ac Missis præfatis B. M. V. & præfatorum Sanctorum, aliorumque Sanctorum Monachorum jampridem in Breviario Monastico contentorum recitandas, diligenter revisas, & relatas per eundem Eminentissimum & Reverendiss. Dominum Cardinalem Gabriellium, approbavit, & imprimi posse concessit, una cum Calendario suprascripto, quod in posterum debeat unice observari in tota præfata Congregatione S. Bernardi non obstantibus quibuscumque aliis Decretis hujus Sacræ Congregationis ante hoc emanatis in favorem prædictæ Congregationis, salvis tamen remanentibus Decretis spectantibus ad Officia, uti superius de novo ordinata sunt. Sanctorum Benedicti, & Bernardi Abbatum semel in hebdomada, & S. Scholasticæ Virginis semel in mense extra tempus Adventus, Quadragesimæ, & Vigiliarum recitanda. Die 1. Julii 1702.

Ordinis Cisterciensis.

Cum Sac. Rituum Congregatio, referente Eminentiss., & Reverendiss. Dom. Cardinale Gabriellio sub die 13. Augusti, & 3. Decembris 1701., & 21. Januarii, 18. Martii, & prima Julii 1702. Monachis utriusque sexus Congregationis Reformatæ S. Bernardi Ordinis Cisterciensis, festa, & officia propria, atque Missas SSmæ Coronæ Spinæ D. Nostri Jesu Christi, & Beatissimæ Virginis Mariæ, & plurium Sanctorum posse celebrari, & recitari benigne concesserit: Ad pias modo preces ejusdem Emi,

Jesu Christi feria 3. post Dominicam Passionis cum Missa & Officio proprio.

Quintum Decretum.

Festa B. M. V. quæ celebrari posse conceditur sub ritu duplici majori, cum Missa & Officiis propriis. Aliorum SS. festa sub ritu duplici.

Orationes, hymni, Responsoria, Capitula, Antiphonæ, & Lectiones propriæ ab eadem Sac. Rituum Congregationis approbate ad usum Monachorum Cisterciensium.

Sextum Decretum.

& Rm

Extensio facultatis prae-
missae, ac supra expressae
ad Cisterciensem utriusque
totius Ordinis juxta ritum
Breviarii Monastici.

Septimum
Decretum.

Festa SS. Pontificum, & Confessorum, quae cum suis Officiis celebrari possint sub ritu duplici ab omnibus, & singulis Monachis utriusque sexus totius Ordinis Cisterciensis.

Octavum
Decretum.

Omnibus Monachis utriusque sexus totius Ordinis Cisterciensis indulgetur, ut celebrare possint festa B. M. V. & supra recensitorum SS. etiam si Moniales Cistercienses utantur Breviario Romano: ad ejus tamen ritum apartari debent designata suis locis Officia.

Nonum
Decretum.

Facultas conceditur, ut in omnibus Monasteriis Congregationis Reformatae S. Bernardi Provinciae Romanae celebrare possint festum S.

& Rmi Domini Cardinalis extendit, & concessit omnibus, & singulis Monachis utriusque sexus totius Ordinis Cisterciensis eandem prorsus facultatem, ut supra celebrandi omnia praedicta festa, ac recitandi memorata officia propria, & Missas, atque acceptandi proprium Calendarium, eodem prorsus modo, quo illa supradictae Congregationi Reformatae S. Bernardi concessa fuerunt in praenarratis Decretis hujus S. Congregationis. Die 9. Decembris 1702.

Ordinis Cisterciensis.

Sac. Rituum Congregatio referente, & supplicante Emo, & Rmo D. Cardinale Gabriellio benigne indulget omnibus, & singulis Monachis utriusque sexus totius Ord. Cisterciensis, ut licite possint celebrare festa, & recitare sub ritu duplici officia, & Missas horum Sanctorum Summorum Pontificum, & Confessorum, ut infra die 19. Januarii S. Agathonis. Die 18. Februarii S. Gregorii Secundi. Die 25. Maji S. Bonifacii IV. Die 28. Maji S. Gregorii VII. Die 12. Junii S. Leonis III. Die 17. Julii S. Leonis IV., atque omnes supradictas orationes, & lectiones proprias in festis, & officiis praedictorum Sanctorum recitandas diligenter revisas, & relatas per eundem Eminentiss., & Reverendissimum Dominum Cardinalem Gabriellium approbavit, & imprimi posse concessit. Die 20. Jan. 1703.

Ordinis Cisterciensis.

Cum Sac. Rit. Congregatio referente, & supplicante Eminentiss., & Reverendiss. Domino Cardinale Gabriellio sub die 9. Decem. 1702. benigne indulgerit omnibus Monachis utriusque sexus totius Ordinis Cisterciensis, ut possint celebrare festa, ac recitare Missas, & Officia propria Sanctorum Coronae Spinae Dom. Nostri Jesu Christi, & Beatissimae Virginis Mariae, ac plurium Sanctorum jam per varia Decreta hujus Sac. Congregationis concessa, & impressa juxta Ritum Breviarii Monastici pro Monachis Reformatis utriusque sexus S. Bernardi ejusdem Ordinis Cisterciensis: Ad pias modo preces ejusdem Eminentiss., & Reverendiss. Domini Cardinalis Gabriellii concedit omnibus Sanctimonialibus Ordinis Cisterciensis, quae utuntur Breviario Romano, ut adaptare possint praedicta officia juxta Ritum Breviarii Romani, eaque sic accommodata faciant typis imprimi, necnon secundum easdem festivitates valeant celebrare facere Missas per Capellanos Ecclesiarum earumdem servitio addictos cum Missali Romano, & juxta illius Rubricas ad instar concessionum alias factarum sub die 24. Jan. 1688. Monialibus Cisterciensibus S. Susannae de Urbe, sub die 18. Jun. 1689. Monialibus Cisterciensibus S. Ursulae Bononiae. Die 23. Jun. 1703. Ita reperiuntur in Regestris Decretorum Congregationis Sac. Rituum In quorum fidem die 28. Jul. 1710. G. Cardinalis Carpinus. - B. Inghirami Secretarius.

Congregationis Reformatae S. Bernardi Ordinis Cisterciensis. Provincia Romana.

S. Rit. Congregatio, referente Eminentiss., & Reverendiss. Domino Cardinale Gabriellio ad humillimas preces P. D. Henrici a S. Philippo Nerio Visitatoris Provincialis Provinciae Romanae Congregationis Reformatae Sancti Bernardi Ordinis Cisterciensis benigne indulget omnibus dumtaxat Provinciae Romanae praedictae Congregationis Reformatae S. Bernardi, ut die 19. Maji possint in omnibus Monasteriis, & Ecclesiis tantum ejusdem Provinciae Romanae celebrare festum S. Pudentianae Virginis, & recitare sub ritu duplici majori Missam, & Officium d. S. Pudentianae ad relationem ejusdem Eminentiss.

Domini Card. Gabriellii approbatum die 8. April. 1702. ab hac Sacra Congregatione pro Monachis S. Pudentianae de Urbe. Hac die 20. Januar. 1703.

Ordinis Cisterciensis.

Sac. Rit. Congregatio supplicante, & referente Eminentiss., & Reverendiss. Dom. Cardinale Gabriellio, approbavit officium proprium supra descriptum S. Humbelinae Viduae, benigneque indulget omnibus, & singulis Monachis utriusque sexus totius Ordinis Cisterciensis, ut licite possint celebrare festum, & recitare sub ritu duplici die 12. Februarii praedictum officium proprium S. Humbelinae, illudque imprimi posse concessit, non solum secundum Ritum Breviarii Monastici, sed etiam secundum Ritum Breviarii Romani pro Sanctimonialibus Cisterciensibus utentibus eodem Breviario Romano. Die 1. Sept. 1703.

Ordinis Cisterciensis.

Cum Sac. Rit. Congregatio referente Eminentiss., & Reverendiss. Dom. Card. Gabriellio sub diebus prima Julii, & nona Decembris 1702. omnibus Monachis utriusque sexus totius Ordinis Cisterciensis concesserit novum Calendarium proprium ordinatum, & adauctum compluribus officiis propriis pro dierum diversitate ab hac Sac. Congregatione jam approbatis: Ad pias modo preces, & relationem ipsius Eminentiss., & Reverendissimi Domini Cardinalis Gabriellii, eadem Sacra Congregatio pro omnibus Monachis utriusque sexus totius Ordinis Cisterciensis dumtaxat approbavit, & imprimi posse concessit suprascripta elogia publice in Choro recitanda in Lectione Martyrologii Romani juxta Rubricas ejusdem Martyrologii. Hac die 24. Nov. 1703.

Ordinis Cisterciensium.

Sac. Rituum Congregatio, referente, & supplicante Eminentiss., & Reverendiss. Domino Cardinale Gabriellio benigne indulget omnibus, & singulis Monachis utriusque sexus totius Ordinis Cisterciensis, ut quotannis die 14. Januar. licite possint, & valeant celebrare festum, & recitare sub ritu duplici secundae Classis officium & Missam de SS. Nomine Jesu alias approbata, & pluries concessa ab hac Sac. Congregatione translato ad diem 14. Februar. festo, & officio S. Guarini Episcopi, & Confessoris. Hac die 15. Febr. 1710.

Ordinis Cisterciensis.

Cum S. Rituum Congregatio, referente Eminentiss., & Reverendiss. D. Card. Gabriellio sub die 18. Mart. 1702. Monachis Reformatis S. Bernardi Ordinis Cisterciensis festum, & officium proprium Sanctiss. Coronae Spinae Dom. Nostri Jesu Christi in feria tertia post Dominicam Passionis posse celebrari, ac recitari sub ritu duplici majori benigne concesserit, eamque gratiam ad omnes Monachos Cistercienses utriusque sexus die 9. Decem. 1702. extenderit: Ad pias modo preces Eminentiss., & Reverendiss. Domini Card. Gabriellii pro toto Ordine Cisterciense utriusque sexus porrectas, eadem Sacra Congregatio transfert ad feriam sextam ante Dominicam Passionis Officium Sanctissimae Coronae Spinae sub eodem Ritu duplici majori. Die 21. Jun. 1710. - Ita reperiuntur in Regestris Decretorum Congregationis Sac. Rituum. In quorum fidem die 28. Jul. 1710. - I. Cardinalis Carpinus. - B. Inghirami S. Rit. Congr. Secretarius.

Pudentianae V. & M. & recitare sub ritu duplici majori ejus Missam & Officium.

Decimum
Decretum.

Facultas celebrandi festum S. Humbelinae cum Officio sub ritu duplici.

Undecimum
Decretum.

Approbatio novi Calendarii pro omnibus Monachis utriusque sexus totius Ordinis Cisterciensis.

Cum elogium in Choro recitandum ad Lectionem Martyrologii Romani juxta Rubricas ejusdem Martyrologii.

Duodecimum
Decretum.

Omnes utriusque sexus Cistercienses die 14. Jan. festum cum officio SS. Nominis Jesu celebrare possint, translato in diem 14. Febr. festo, atque Officio S. Guarini Ep. & Conf.

Decimum
tertium
Decretum.

Officium cum festo SS. Coronae D. N. J. C. ex feria 3. post Dominicam Passionis transferatur in feriam sextam ante ipsam Dominicam.

Memoratus Card. Gabriellus supplicat Summo Pontifici pro Confirmatione rectorum Decretorum.

Annuit Pontifex ejus precibus.

Clausula.

§. 1. Cum autem, sicut praedictus Joannes Maria Cardinalis nuper exposuit, ipse Decreta hujusmodi quo firmiter subsistant, & serventur exactius Apostolicae confirmationis nostrae patrocinio communiti summopere desideret; Nos specialem ipsi Joanni Mariae Cardinali gratiam facere volentes, supplicationibus ejus nomine nobis super hoc humiliter porrectis inclinati, tredecim Decreta praesentia, & eorum quodlibet auctoritate Apostolica tenore praesentium approbamus, & confirmamus, illisque inviolabilis Apostolicae firmitatis robur adjicimus; Salva tamen semper in praemissis auctoritate praedictae Congr. Cardinalium.

§. 2. Decernentes eandem praesentes literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari: sicque in praemissis per quoscumque judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Congregationis Reformatae hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet coactis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

§. 4. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum, tam in Judicio, quam extra illud habeatur, quae ipsis praesentibus haberetur, si forent exhibita, vel ostensa.

Datum Romae apud S. Mariam Majorem sub Annulo Piscatorum die XXV. Septem. MDCCX. Pontificatus nostri Anno Decimo.

CII.

Confirmatur Decretum Capituli Provinciae Romanae Congregationis Italiae Fratrum Carmelitarum Discalce. de pecuniis investendis.

Inn. XII. Const. ed. 1692. Nov. 21. P. 2. confirmata fuisse quaedam decreta pro pace inter utramque Congregationem. Et Bened. XIII. Constit. edita 1728. Jun. 22. P. 5. mandatur Donatis, ut exercent humilitatis opera.

Dat. 26. Sept. 1710. An. 10.

CLEMENS PAPA XI.

Ad futuram rei memoriam.

Exponi nobis nuper fecerunt dilecti Filii Prior Provincialis, & Definitor Provinciales Provinciae Romanae Fratrum Discalceatorum nuncupatorum Congregationis Italiae Ordinis B. Mariae Virginis de Monte Carmelo, quod in Capitulo Provinciali dictae Provinciae die 22. Aprilis anni proxime praeteriti celebrato decretum fuit, ut in posterum Conventus Provinciae hujusmodi pecunias ad ipsos quomodolibet spectant, personis particularibus ad censum tradere nequeant, sed illas in tot locis Montium Camerae nostrae Apostolicae non vacabilium, sive censibus cum locis piis, & communitatibus investire, aut in emptio-

nem bonorum stabiliium fructiferorum convertere, & erogare teneantur, & alias prout uberius continetur in Decreto Diffinitorii Provincialis memoratae Provinciae desuper emanato tenoris, qui sequitur, videlicet. Ex actis Capituli Provincialis fratrum Carmelitarum Discalceatorum ordinis B. M. V. de Monte Carmelo Provinciae Romanae S. Mariae celebrati Caprarolae in nostro Conventu S. Mariae in S. Silvestro in fest. vespertina fer. 2. die 22. mensis Aprilis 1700. Cum ex creatione censuum cum personis particularibus saepe deperdantur, aut periculum subeant capitalia, & eorum fructus, indeque plures quotidie lites debeant excitari. Propositum fuit, an sit ordinandum ne in posterum Conventus possint tradere ad censum personis particularibus pecunias quomodolibet ad ipsos spectant, sed teneantur reinvestire illas in locis Montium, vel cum locis piis, aut communitatibus, aut in emptione Terrarum frugiferarum; Et hoc non intelligatur, si capitale non ascendat ad scuta centum, tunc enim recurritur ad Definitorium Provinciale, quod re mature examinata, decernat, quid faciendum in casibus particularibus sub poena suspensionis per sex menses Prioribus contrafacien. quod si haec poena locum habere non possit, sint privati voce activa, & passiva per idem tempus: responsum est affirmative per secreta suffragia cum omnibus. Item propositum fuit pro majori firmitate supra dictae ordinationis, an servatis servandis sit recurrendum ad S. D. N. supplicando pro confirmatione in forma Brevis; Responsum est affirmative cum viginti octo ex viginti novem. -- Fr. Marthaeus a Sancta Maria Provincialis &c. -- Fr. Eusebius a Sanctis Capituli Secretarius &c.

§. 1. Cum autem sicut eadem expositio subjungebat, Capitulum Provinciale praedictum confirmationem Decreti hujusmodi pro firmiori illius subsistentia, & observatione ab hac S. Sede impetrari mandaverit: Nobis propterea dicti Exponentes humiliter supplicari fecerunt, ut in praemissis opportune providere, & ut infra indulgere de benignitate Apostolica dignemur.

§. 2. Nos igitur ipsos Exponentes specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium praepositorum, qui dilectum filium modernum Praepositum Generalem dictae Congregationis super praemissis audiverunt consilio Decretum praesentium auctoritate Apostolica, tenore praesentium confirmamus, & approbamus, illique inviolabilis Apostolicae firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint, supplementus. Salva tamen semper in praemissis auctoritate Congregationis eorumdem Cardinalium.

§. 3. Decernentes ipsas praesentes literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari: Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus

Decretum praedict. de pecuniis investendis in locis Montium, sive cum Communitatibus, vel in Terris fructiferis, cum quadam exceptione.

Praes. Prioris, & Diffinitorum.

Confirmatio relati Decreti.

Clausula.

fit,